



Nasljednik zaplijenio osam kg marihuane

Pripadnici **SIPA** i MUP-a RS-a su osim droge pronašli i oduzeli dva elektronska sklopa za vozila

Pripadnici **SIPA** i MUP-a RS-a su na Palama proveli akciju Nasljednik te su prilikom pretresa stambenih i poslovnih objekata vlasništvo 65-godišnjeg Stjepana Brace Lazarevića, koji se trenutno nalazi u pritvoru, pronašli skoro osam kilograma marihuane, kao i dva elektronska sklopa za putnička vozila. Podsjetimo, 14. juna Sud BiH je za još mjesec produžio pritvor Lazareviću, te Bojanu Segiću Debelom (1977) iz Prnjavora i Vlastimiru Tomiću Šukeru (1960), rođenom u Valjevu, Srbija. Oni su sredinom maja uhapšeni u akciji Nasljednik zbog sumnje da se bave međunarodnim krijumčarenjem velikih količina marihuane - skanka, uzgajane u posebnim i kon-

trolisanim uslovima, sa povećanom količinom opojne materije THC, a koja se sa teritorije Albanije krijumčari u BiH, te dijelom prodaje u BiH, a dijelom krijumčari prema zemljama EU, gdje kilogram ove droge na ilegalnom narkotržištu dostiže cijenu od 3.000 eura. Provedenom istragom prikupljeni su dokazi koji ukazuju da su njih trojica činili organizovanu mrežu za krijumčarenje, skladištenje, transport i dalju prodaju droge, koju su u dva navrata, u količinama od 4 do 6 kilograma, u operacijama simuliranog otkupa, prodali prikrivenim istražiteljima **SIPA**. Akciju su izveli pripadnici **SIPA** i MUP-a RS-a, u saradnji sa kolegama iz Austrije. **D. P.**